

APARTA LOUREIRO VERDE

1

Aparta loureiro verde
deixa clarea-la lúa
que estou no medio do mare
non vexo cousa ningunha.

2

*Vivir na Coruña
que bonito é,
andar de varanda
e durmir de pé;
e durmir de pé
e durmir de pé;
vivir na Coruña
que bonito é!*

3

Arrimeime a ti loureiro,
pensando que eras calado,
loureiro larapeteiro,
todo o tés larapetado.

4

*Vivir na Coruña
que bonito é,
andar de varanda
e durmir de pé;
e durmir de pé,
e durmir de pé;
vivir na Coruña
que bonito é!*

5

Heime de casar cun vello,
heime de fartar de rire;
heille de poñe-la cama
onde non poida subire.

6

*Na ría de Vigo
non se pode entrar
con tantas peixeiras
que van cara ó mar;
que van cara ó mar,
que van cara ó mar,
á ría de Vigo,
non se pode entrar!*

7

Miña lancha mariñeira
que ben capea-lo vento;
así fai a boa moza
cando quere dous a un tempo.

8

*Na ría de Vigo
non se pode entrar
con tantas peixeiras
que van cara ó mar;
que van cara ó mar,
que van cara ó mar,
á ría de Vigo,
non se pode entrar!*

